

Cusco - Allin-ManaAllin Yuyaynin Diospa Simin Qelqan  
- Good-Bad Mind Scriptures

Allin Yuyaynin Diospa Simin Qelqan - Good Mind Scriptures

Marcos 5:15 Jesusman hamuspankutaq askha waranqa supaykunaq ñak'arichisqan runata, p'achasqa tiyashaqta, yuyayniniña kashaqta rikuspa mancharikurqanku.

Lucas 8:35 Chaymi runakunaqa imachus kasqanta qhawamunankupaq rispanku Jesusman chayarqanku, hinaspan supaykunamanta kacharichisqa runata rikurqanku. Paymi Jesuspa qayllanpi p'acharqosqa yuyayniniña tiyasharqan, chaymi mancharikurqanku.

Hechos 17:11 Chay Berea llaqtapi kaqkunan Tesalónica llaqtapi kaqkunamantaqa aswan sumaq sonqo runakuna karqanku. Paykunan Diospa siminta tukuy sonqo chaskikurqanku, chaykunaqa hinapunichus kasqantataq Diospa Simin Qelqakunapi sapa p'unchay t'aqwirqanku.

Hechos 20:19 Tukuypi huch'uyaykukuspa mayta waqaspa Señorta servirqani, hinaña judío runakuna ñoqa contra imaymanata yuyaykusharqanku chaypas.

Romanos 7:25 Manan pipas, aswanqa Diosllapunin Señorninchis Jesucristowan kacharichiwan. Chaymantan Diosman graciasta qoni. Chay hinaqa, ñoqa kikiymi yuyayniyan Diospa kamachikuy siminta kasuni, aychaywantaqmi huchaq kamachikusqanta kasuni.

Romanos 8:6 Sonqoq munasqanman hina yuyayqa wañuymannmi apaykun, Santo Espirituq munasqanman hina yuyaymi ichaqa sumaq kawsay thak-kaypiwan.

Romanos 8:27 Llapa runaq sonqonta allintapuni reqsiq Diosqa yachanmi imachus Espirituq yuyaynin kasqanta, Espirituqa Diospa munayninan hinan iñiqkunapaq mañapun.

Romanos 11:34 ¿Pitaq Señor Diospa yuyaynintaqa reqsin? ¿Pitaq payta yuyaychaqninri?

Romanos 12:2 Amaña runakunaq imaynatachus kawsashasqanta hinaqa kawsaychischu, aswanpas mosoqyachisqa yuyayniykichisman tupaqtapuni kawsaychis. Ahinapin mayqenchus Diospa munayninan kasqanta reparankichis, paypa munayninqa allinmi, sumaqmi, hunt'asqapunin.

Romanos 12:16 Qankunapura huk sonqolla kawsaychis, ama hatunchakuychischu, aswanpas pisichasqa runakunawan

- kuskachakuychis. Ama qankuna kikiykichis yachaysapaman tukuychischu. Romanos 14:5 Wakinmi huk p'unchayta allinpaq hap'in hukkaq p'unchaymantaqa, wakintaq llapa p'unchaykunatapas kaqkamapaq hap'in. Sapanka kikinpa yuyaykusqanta sut'ita entiendespa ruwachun.
- Romanos 15:6 huk-nisqalla, ch'ulla kunkalla Señorninchis Jesucristoq Yayan Diosta yupaychanaykichispaq.
- 1 Corintios 1:10 Wawqe-panaykuna, Señorninchis Jesucristoq sutinpin valekuykichis, llapallaykichis ch'ulla yuyaylla kanaykichispaq. Ama qankunapura t'aqanakuychischu, aswanpas huk-nisqalla, huk yuyaynillayoq, huk sonqollayoq kawsaychis.
  - 1 Corintios 2:16 Diospa Simin Qelqan nin: “¿Pitaq Señorpa yuyayninta yacharqan? ¿Pitaq payta yachachirqan?” nispa. Chaywanpas ñoqanchisqa Cristoq yuyaynin yuyayniyoqmi kanchis.
  - 2 Corintios 7:7 Manataqmi paypa chayamusqallanwanchu sonqochakurqayku, aswanpas Titota sumaqta sonqochasqaykichista yachaspan sonqochakurqayku. Paymi willawarqanku anchata munakuwasqaykichista, mayta llakikusqaykichista, ñoqa sonqo kasqaykichistapas, chaymi astawanraq kusikurqani.
  - 2 Corintios 8:12 Pipas Diosman qoytapuni munan chayqa, kasqanman hina qoqtan Diosqa chaskinqa, Diosqa manan mañanchu mana kaqtinqa. (1 Crónicas 28:9)
  - 2 Corintios 9:2 yachaniñan yanapakuy munasqaykichista, qankunamantan Macedonia provinciapi kaqkunaman alabakurqani: Acaya hap'iypì kaqkunaqa qayna watamantañan yanapanankupaq listo kashanku, nispa. Chay yanapay munasqaykichismi Macedonia provinciapi kaq wawqe-panakunataqa kallpacharqan.
  - 2 Corintios 13:11 Chay hinaqa, wawqe-panaykuna, kusikuychis. Kawsayniykichispi hunt'asqa-kayta munaychis, yuyaychasqayta hap'ikuychis, huk sonqolla kawsaychis, thak-kaypi kawsaychis, hinan thak-kayta qowaqninchis munakuwaqninchis Dios qankunawan kashanqa.
- Efesios 4:23 Qankunaqqa yuyayniykichispas sonqoykichispas mosoqman t'ikrasqan kanan.
- Filipenses 2:2-5 chayqa, anchatan kusichiwankichis, huk sonqolla llapa kawsaspaykichis, huk-nisqalla munanakuspakichis, kaq yuyaynillayoq huk sonqollataq kaspaykichis ima. 3 Ama imatapas ruwaychischu allinnillaykichista maskhaspapas hatunchakuspapas, aswanpas huch'uyaykukuspa hukkunata aswan allinpaq hap'iychis kikiykichismantaqa. 4 Ama pipas pay kikinpa allinnillantaqa maskhachunchu, aswanpas hukkunaq allinnintapas maskhallachuntaq. 5 Imaynachus Jesucristoq yuyaynin karqan, chay hinallataq qankunaq

yuyayniykichispas kachun:

Filipenses 4:2 Evodiatawan Sintiquetawanmi valekuni Señorpi iñiqpura hinapuni sumaqta allipunanankupaq.

Filipenses 4:7 Hinan Diosqa thak-kayta qosunkichis runakunaq mana aypay atisqan thak-kayta, chay hinapin sonqoykichistapas yuyayniykichistapas Jesucristopi Diosqa waqaychanqa. (Isaiah 26:3)

Colosenses 3:12 Diosmi qankunataqa munakusunkichis, chaymi paypaq kanaykichispaq akllakurqasunkichis. Chay hinaqa p'achawan hina p'achakuychis khuyapayakuq-kaywan, sumaq sonqo-kaywan, huch'uyaykukuywan, llamp'u sonqo-kaywan, pacienciawan ima.

2 Tesalonicenses 2:2 valekuykiku, ama yuyayniykichista usqhaylla hukman t'ikraychischu, amataq mancharikuychispaschu "Señorpa kutimunan p'unchayqa chayamunñan" nisqata uyarispa. Yaqapaschá chayta uyariwaqchis karqan profetizasqapipas, willasqapipas, otaq chayta leewaqqchis karqan ñoqaykuq cartaykupas kanman hinata.

2 Timoteo 1:7 Diosqa manan manchapakuy espiritutachu qowarqanchis, aswanpas atiya, munakuya, kikinchista cuidakuytawanmi qowarqanchis.

Tito 2:6 Waynakunatapas yuyaychallaytaq allin yuyayniyoq kanankupaq.

Hebreos 8:10 Señor Diosqa nillarqantaqmi: "Qhepa p'unchaykunapiqa Israel runakunawan kay hinatan rimanakusaq: Paykunaq yuyayninkupin kamachikuy simiykunata churasaq, sonqonkupitaq chaykunata qelqasaq. Ñoqan paykunaq Diosninku kasaq, paykunataq ñoqaq llaqtay kanqaku.

1 Pedro 1:13 Chayrayku, allintapuni yuyaykuychis imatachus ruwanaykichista, hinaspa allin yuyaywan kawsaychis. Allin-allintapuni suyakuychis Jesucristo rikhurimuqtin Diospa qonasuykichis saminchata.

1 Pedro 5:2 Qankunaman hap'ichisqa kashaq Diospa ovejankunata allintapuni michiychis, makilla qhawaspa, ama kamachisqa hinachu, aswanpas sumaq munakuywan, ama qolqueraykullachu, aswanpas tukuy sonqo llank'aychis.

2 Pedro 3:1 Munasqay wawqe-panaykuna, kaytawanqa iskay cartatañan qankunaman qelqamuykichis. Chay cartakunawanmi yuyarichispa chanin yuyayniykichis rikch'arichiya munani.

Santiago 1:17 Tukuy allin kaqkunatapas, tukuy chanin kaqkunatapas hanaq pachamantan chaskinchis, hanaq pacha k'anchaykuna kamaq Yayamanta, payqa manan cambianchu, manataqmi llanthu hinachu kuyuykachanpas. (Job 23:13)

Apocalipsis 17:9 Entiendey atiqqa entiendechun: Chay qanchis umaqa warmiq tiyasqan qanchis orqokunan,

## Mana Allin Yuyaynin Diospa Simin Qelqan - Bad Mind Scriptures

Marcos 7:21 Runakunaq sonqonmantaqa lloqsimun: mana allin yuyaykuna, wasanchaykuna, qhelli huchapi puriykuna, runa wañuchiykuna, (Ezequiel 38:10)

Lucas 12:29 Chayrayku, ama llakipakuspaqa puriychischu: ¿Imatataq mikhuykusaqpas? ¿Imatataq ukyaykusaqpas? nispaqa.

Hechos 12:20 Herodesmi Tiro llaqtapi Sidón llaqtapi tiyaqkunaq contranphiñasqa kasharqan. Chay llaqtayoqkunataq ichaqa reypa suyunmanta mikhunata rantikuqku, chaymi reypa mayordomon Blastowan amigota ruwarqospanku Herodesman huk-nisqalla rirqanku, paywan allipunayta mañakunankupaq.

Hechos 14:2 Iñiyta mana munaq judío runakunan ichaqa mana judío runakunata yachaykachispa tanqarqanku iñiqkuna contra sayarinankupaq.

Romanos 1:28 Diosta reqsiya mana munaqtinkun, Diosqa paykunatapas waqllisqa yuyayninkuman saqerparirqan mana ruwanakunata ruwanankupaq.

Romanos 8:6,7 Sonqoq munasqanman hina yuyayqa wañuymammi apaykun, Santo Espirituq munasqanman hina yuyaymi ichaqa sumaq kawsay thakkaypiwan. 7 Chaymi sonqoq munayninkunaman hina yuyaqqa Diospa contran sayarin, manan kamachikuy simitapas kasunchu, manallataqmipatinpaschu.

Romanos 11:20 Arí, mana iñisqankuraykun wit'usqa karqanku, qanmi ichaqa iñisqaykirayku chaypi qaqtata sayashanki. Chay hinaqa, ama hatunchakuychu, aswanpas Diosta manchakuy.

2 Corintios 10:5 Ahinatan pantasqa yuyaykuykunatapas Diospa yachayninta hark'aq tukuy hatunchakuykunatapas thuniyku. Hinallataq runakunaq tukuy yuyaynintapas atipaspa Cristoman kasuchiyku.

2 Corintios 11:3 Ichäqa manchakushanin, imaynan mach'aqwayqa yachaysapa kayninwan Evata q'oturqan, chay hinata qankunatapas Cristota cheqaqtapuni ch'uya munakuuniykichismanta imaynapipas waqllichinasuykichismanta.

Efesios 2:3 Ñoqanchispas llapanchismi ñawpaqqa chaykuna ukhupi kawsarqanchis, sonqonchispa millay munasqankunapi purirqanchis, cuerponchispa munayninta yuyaykuynintawan ruwaspa. Chayraykun runakayninchisman hina wakinkuna hinallataq Diospa muchuchinanpaqpuni karqanchis.

Efesios 4:17 Señorninchispa sutinpin kamachiykichis: Amaña wakin mana

judío runakuna hinaqa kawsaychisñachu, paykunaqa mana imapaq valeq yuyayninkupin purinku.

Colosenses 1:21 Qankunapas ñawpaqtaqa Diosmanta karunchasqan karqankichis, mana allinkunata ruwaspa sonqoykichispi Dios contra yuyaykuspa. ( Proverbios 21:27; Ezequiel 23:17)

Colosenses 2:18 Ama pipas premioykichista qechuchunchu huch'uyaykukuqman tukuspa, angelkunatapas yupaychaspa. Chay runakunaqa mosqoypi rikusqankumanmi hap'ipakunku, paykuna kikinkuq yanqa yuyaynillankuwanmi hatunchakunku.

1 Tesalonicenses 5:14 Wawqe-panaykuna, valekullaykichistaqmi, qellakunata anyaykuychis, manchalikunata yanapaykuychis, pisi kallpakuñata kallpachaykuychis, hinallataq llapapaqpas pacienciayoq kaychis.

2 Tesalonicenses 2:2 valekuykiku, ama yuyayniykichista usqhaylla hukman t'ikraychischu, amataq mancharikuychispaschu "Señorpa kutimunan p'unchayqa chayamunñan" nisqata uyarispa. Yaqapaschá chayta uyariwaqchis karqan profetizasqapipas, willasqapipas, otaq chayta leewaqchis karqan ñoqaykuq cartaykupas kanman hinata.

1 Timoteo 6:5 waqllisqa yuyayniyoq runakunawan mana tukukuq thawtiykuna. Chay hina runakunaqa manapunin cheqaq-kaytaqa reqsinkuchu, aswanpas Dios yupaychaytapas qolqeta astawan tarinapaq kasqallantan yuyanku. [Chay hina runakunamanta t'aqakuy.]

2 Timoteo 3:8 Imaynan Janeswan Jambreswanpas Moisespa contranpi sayarirqanku, ahinallataqmi chay qharikunapas cheqaq-kaypa contranpi sayarinku. Paykunan waqllisqa yuyayniyoq kaspa Diospa wikkh'usqan mana iñiyniyoq runakuna kanku.

Titus 1:15 Ch'uya kaqkunapaqqa tukuy imapas ch'uyallataqmi, ichaq huchawan qhellicasqakunapaqpas mana iñiqkunapaqpas manan imapas ch'uyaqa kanchu, yuyayninkupas concienciankipas huchawan qhellicasqa kasqanrayku.

Hebreos 12:3 Jesusqa huchasapakunaq cheqnipakusqan kaspan sinchita muchurqan, chayrayku paypi allintapuni yuyaykuychis, ahinapin mana sayk'unkichischu, manallataq pisi kallpayankichispaschu.

Santiago 1:8 Iskayrayaq runaqa tukuy ima ruwasqanpipas manan takyanchu.